

四庫全書

集部

欽定四庫全書

養吾齋集卷四

元 劉將孫 撰

七言古詩二

題南鄭尹良臣

時用

萃貞堂詩

人道以萃為大成天道以貞為一終否睽離渙浩難聚
榮數華實收其功貞如循環起元亨萃至於廟功乃崇
非亨莫萃安得貞萃乃異彼豫與豐彼盛彼大物常理
物理有極貞無窮世人視祖若渺茫君子以身為棟隆

方興備禮猶或有已墜菟緒誰歟同美哉南鄭尹氏孫
此堂繼志宣祖宗森然名德叙昭穆遠矣光寵如新蒙
里人縱觀興孝義信史採撫揚休鴻外喪力舉十不憚
孤姪代死神猶恫功總聽長世謹率翠華幸燕恩湛洪
廢興奈何厄運數神具相爾仍樂融新堂翼翼煥楹桷
舊刻濯濯芟蒿蓬後來稱說萃貞始又似推本七世翁
天於倫紀極留意忠孝如種生芄芄子孫蕃衍族復合
餘報貽答幽顯通人間此事何處得千古相望四五中

長歌揚厲端有觸如美泱泱風泱泱

客中歲宴

朝暮三年葱復醋未若辛酸歲晚路何況連年作宦遊
隻影蕭然山上住一更鐘斷蒙頭睡五更鐘動半枕寤
下方市合久見日四望峯環猶是霧荒涼過客常無人
來徃閒庭自徐步前山望雨十里來半溪雲看陰晴度
時驚潦水屢羸縮夜聽灘聲靜喧怒怪禽飛鳴作人語
山蛩閉蟄猶啼露我行遊戲乃久留輾轉簡書無可訴

平生迂意竟何許讀書長笑為儒腐文經武畧固非長
世事心期豈無素十年奔波成百拙一朝推擇偶相遇
重來鑄錯不可改時復望雲嗟已誤祇今憔悴經節物
何愛別離走荒戍人言微官勝家食我媿長勤負初賦
奈何憂患久侵凌兼復兒女迫昏娶低徊豈獨隱身世
浮沉聊以應門戶十年出處未易言百念悲辛自狂顧
亦知貧賤寧所少如此飄流屬何故天地四時有消息
風月三生感回互寒氈寂寞固其所青燈恍慨空無數

寄鄭義山

萬山之間春日長春山之外雲蒼茫客來叩門稱清江
袖書上有鄭字章廣文先生初入庠聞有東擔汀之陽
寄緘丁寧携報裹得之倒抽心慨慷喜極疾讀淚數行
四坐驚怪旁觀旁謝客卷書行偃偃晝立夜坐中彷徨
書辭僅百語非詳一紙雖短情永傷上言北行子南裝
中言出處還江鄉感昔霞佩相頡頏今專一席各一方
幸不變化鬢已蒼重遊麗澤臨修廊俯仰陳迹一葦航

携手倚醉闌干狂今我衣冠領洋洋此會二紀又半強
惟君記省平生嘗使我回首悲行藏往者驅馳翰墨場
君廿有七顛叩叩我纔十八俱翱翔君先十載名聲揚
我後突出高與亢榜帖先後姓字香餘子側目汗走僵
先輩斂衽才葩滂咸曰二人且騰驤此豈泥塗老風霜
酒樓濤翻九霞觴揚州飛挾琵琶倡或惜書記私皇皇
或憎阿瞞謗浪浪一笑美惡孰在亡襟期何許虛名彰
夢未合眼炊熟梁僅為人作春衣裳誰數馬周推君房

彼如鐵榜誇裝潢今我白衣媿粃糠長憶過君滄洲芳
迎門笑謂里卜祥兆曰貴客來徜徉君期我為鳳若凰
我媿君如秋後蟹年二十看田海桑亂餘無誰哀淪喪
惟君見我涕泗雙我坐無計蓬風颺吹落閩嶠棲幽篁
君詩戲靳念渠央君行萬里排雲闔我逃墓廬望兄岡
平素熟交頃刻涼誰閔練裳哀羸尪不自植甘括囊
蹴踏蹈藉勇且剛東鄰高樓穴埽墻西舍泮岸池侵隍
豈無他日爾許忙畏哉人心過劔鉞我始避爾南之疆

藉此一官走屠羊豈比君錦榮且光泛家上冢夜發艍
携兒講坐朝升堂大江前陳風泱泱高樓吟嘯漁鳴榔
親友上謁洽酒漿清江之上嘉穀秧清江之友梗楠樟
昔有典則叔度黃梅洞磅礴河汾王高風特達圭璧璋
如心博雅珩琮璜人間此士不可常可惜抑鬱如干將
大秀蒿目談虞唐想已金華鳴鏐鏘若此未收柱與杓
君宜誦如君家莊毋計彼欲與彼商我懷可人心內痒
我友豈念我遜荒滕兄攬轡四牡彭原章一生志始償

前趨後謁東西廂狂奴故態敢厚望

原注
自謂

故人何用中

書郎誰夢太白落月梁孰為伯樂空冀良捩眼不泊思
曠傍捷路慣走甚若虜巧顰善瞽美舌蜚蛇信蠖屈頭
地搶我拙疎遠極自量人生有命定低昂所不宜得徒
披猖及得雖巧命適當以此於心澹平康更拚數年耗
官糧昏嫁事畢脫絡韁祝君青雲日益壯致身事業行
煒煌一洗廿載閒愁腸因君感念著不忘作詩宣心寫
悵悵百書安能盡毫芒詩成樓鼓三擊鏜風燈影亂雨

打窗

紫山為瑞陽鄒氏賦

向來夕陽行萬山晃耀閃爍霏微間煙耶霞耶遠奪目
老者少者驚換顏其陰半壁仍翠浪其上咫尺鎔金盤
騰如虹霓宛激射璨如火齊堆絡環鬱葱勃湧劒衝斗
冲融蕩漾海浴丹慶霄倒暈去八采靈焰噓吸透九關
摩尼水波珠氣王通明風定爐煙閒居然隔我埃壒外
豈可不作蓬萊看始知畫手真亂色點染極力何能攀

忽聞此山錦江上四時朝暮總一般聞名見詩憶所見
轉使想像心骨增清寒

广石行

原注石在建昌道上

巨靈斜劈山半壁一半飛空去無迹至今枯骨不生皮
撐拄稜稜骸赤立傾崖東西首相擊綫路并窺天一匹
劃開東峽臨清曠特聳屏幃蔽風日斜崩覆壓如重簷
橫展平鋪幾百尺旁蹲側踞森鬼怪醜卧奇奔隨散擲
猿猱攀緣定難上燕雀踞孔時容入淨無寸草點空碧

惟有溜痕留舊濕可憐道周不遭遇斗大浯溪二三筆
祇今荒寒誰願省莓苔不沒狂題蹟當年中興藐靈武
湘水何所山水窟海樓雲氣儻成龍此地東西正行驛
大書深刻待名手過車下馬留爭席惜哉山靈不努力
五陵蕭瑟三神泣茫茫六合一片石誰向天涯海濱覓
青原門外夜飲口占

青原寺前門已閉青原門外歌如沸歌聲不是繞梁聲
東坡之詩動鬼神松風吹露月當空一世已入醉夢中

吾徒之狂不在酒借酒放歌歌愈有人間何許無月明
誰肯作此山中行此山此地寧無客曾有夜中驚破月
東坡正爾不自聊長歌有淚如吳潮我聞歌聲忽掩泣
文字生前那得力諸賢能狂勿惜狂持杯未識能斷腸
自憐我已無狂態坐負山中月明海

爛柯圖為福寧州尹殷周卿作

福寧州尹殷公徃貳三衢府事為爛柯圖名
士叙詠成卷予昔以郡文學獲事公於閩憲

知公嘗用是以消日乃為爛柯圖詩曰

神仙閒日無處消借碁對着聊逍遙蓬萊光景無晝夜
頃刻坐見年光凋信安山中亦塵世樵夫來往朝復莫
偶然觀奕出世間遂號柯仙無再遇迺知仙境只眼前
三山弱水非桑田仙乎終日與我即我自不見吁無緣
清風明月時時有空山無人夜如晝蕭然有客聽松風
却怪旁觀柳生肘我評二奕證樵夫此樵三世名金書
儻非仙骨當發舒柯且爛矣安得渠

題明皇按樂圖

華清選勝春迎鑾內家小隊雙珣鞍虹橋風清直馳道
玉座按曲樂未闌換頭促拍知幾許髻偏釵鞞嘖無語
繡茵賜坐列瓊枝似是霓裳第三部龍顏撚髭記紫雲
部頭喚起調更新展繡奏譜意未愜指摩沉吟思入神
嬌棠含露波脉脉藕腸知為誰絲結東風一笑萬花香
端正樓頭端正月犢車先道指玲瓏何人曳裾御路中
輜輶深閉八貴人紫衣母乃冰山公人間樂事隨風散

只有開元畫供玩太平天子五十年釀成人間一離亂
題譚梅屋所藏楊妃上馬圖

萬花御路東風香六龍攬轡回扶桑芙蓉煖夢醒來晚
端正晨裝未肯忙趣持步輦四輩急貴人嬌癡故遲出
欲行未行望何遙待來不來意如失仙韶一片下層霄
寶轆重幃降鵲橋鳳尾扇開晴日早龍珠節動暗塵銷
先驅欲似明駝使期解君王凝竚意翠華晚晚又西來
分隊如花立千騎從官侍衛總前瞻矯首紅雲斷復連

天顏脉脉未回笑列仗肅肅何當旋
逡巡步障開煙霧
玉座圍春按歌舞至尊屢顧不勝情
侍兒奉上新翻譜
古今謾說絕傾城風流未必並世生
太平天子妙晤賞
絕代佳人不負名遂令圖畫極精藝
一一當時意中事
笑他赤鳳溫柔鄉僅得老樊談擁髻
人生正爾聊稱心
世故反覆無定形千年百代興亡事
何必宮中有太真

題張萱寫虢國出遊圖

平明朝天澹掃眉溫泉午浴侵暮歸
意行盡歡丞相府

天街蹋騎宵遊嬉不知禁漏今幾許憑醉晚粧鞭緩步
籠妨嫌殺樺煙香九萬青天明月炬羅巾三角低髻雲
姨媼嬌倦蒼廬英堆鬟不省子兮桑聯鞵交映茗之榮
驚鴻飛鷺何曾畫高足大鞍雄善跨若教畫墜爛五花
肯但素姿從七馬人生反覆後昔今馬嵬倉猝投竹林
三郎忍淚玉環別仗外那知號與秦韓生把筆雙絲絹
追寫百年如目見明眸皓齒已三生煙埃彷彿春風面
南唐北汴印斑斑江東遺墨再送官垂芳遺臭等寂寞

總得千年百世看

題天師畫梅

當年夜泛剡曲船三更酒醒心茫然推蓬雪壓不勝重
半露一抹洲明煙船舷戛岸露地白枯梢老幹橫中堅
上者不見空濛玄下者不見根盤旋腰支正對婉孌處
笑靨適映鬚眉邊美人背面猶可憐況此明媚停嬋娟
繇此移棹回前川已見安道不復前此畫此筆通靈仙
寫來妙相無與傳祇今王戴已相識但玩此圖非雪非

月長千年

贈黃庸之傳神

人心不同如其面人面千百日所見可能一目阿堵中
古怪清竒隨電轉世間人物不可知是邪非邪任渠疑
眼前衆裏面對面頗似不似安可欺山川草木晴復晦
古貌前賢無定在難將活脫戲虛空却向人前施五采
坡公顴骨真復真至今想像謫仙人形容似否亦閒事
描寫政恐羣兒嗔人生好惡何足數不似丹青留畫堵

時花美女有人玩擲瓦盈車誰要汝庸之庸之汝誠能
縱橫筆墨皆巧心短圖大幅恣簸舞寸田尺宅存古今
如何模寫亦到我壁上童兒驚似頗酒酣醺贈作長歌
我可定無渠不可

以立此來遂不得會以予心之悵然知必倍我
之懷因寫竹米詩再用韻為一行公案

道旁石人笑盧胡誰遣嗜好流俗殊曷不深居寧子軀
擔簦負笈携行厨粉兒駢子交嗤愚古人遠矣乃欲俱

雕玉刻楮為葩拊嘔心撚髭欲立枯森若武庫戈矛戰
淨洗不作鉛華膚自詫明月如意珠頃刻欲使花滂敷
鄙薄無鹽誇子都衣裾不憚醉墨濡吹噓槁乾榮華夸
連晝分夜忘其孥食寒屢煖饑靡須以苦為甘瘦為腴
行歌拾穗如美稭囊盛筒走急急符猶謂未及三一隅
劇欲面覲搜枯蕪此間真有龍鳳雛雲開日明非糝糊
誰知交臂失異途天公捉遣差特銖一彼一此何之乎
自憐濩落錐欲無十年遠宦無蓄租飢欲使哺寒欲襦

人情落落秦越倖宇宙莽莽四望孤能不錄錄慚丈夫
吾行聊爾誰忍誅子雖虛返勿厭儒任彼衡衡復扶扶
原注衡衡與扶扶皆玄文辭語循節自好東門荼不作花奴與玉奴

禽笑八首

鸚鵡南飛異風土巧尋人意知賓主喚茶慣道小玉名
吟詩時學長城句抵緣觜角矜小黠未忍鳴號雜凡羽
如何人面介葛盧不肯隨人作人語

鼠鳩形醜百無肖縮頭閉目充戲調隔林衆鳥噪相看

連架黏竿捕如釣網羅豈必在高密同類機張非復料
世間大有面如藍第一相逢未須笑

鷓鴣悲啼瘴雲黑一馬南來一馬北深林叢薄自相呼
水遠山迢正無極南人斷腸北人笑故家兄弟嗟何及
近來海外也堪行只有山中行不得

白鷗毛羽文且澤條疏縷密分黑白如圖如畫遠可觀
不鳴不啼百無益主人以冗多見棄童僕得閒時惡劇
信知文采無補人故可人間作閒客

烏啼何嫌鵲何喜嫌烏好事不到耳佛言烏眼乃有神
洞視陰靈絜如指或以其睛點人目變化幽通當若此
怪君說事非眼前元是烏睛長見鬼

飢蛇望蛤奔欲啖蜈蚣見蛇寧肯逭包藏二毒適遭逢
反覆三義交畏憚可憐顛倒無奇術捉將一處共嬉玩
滿前相制不相吞所喜無災且無患

癡兒愛鴨好綠頭強驅作鷹駕以韝草間放飛乃低走
羈絆欲困猶怒投悲鳴自慙此脚手抓沙何以供追求

故人拊掌笑阿浩何以當年莫上樓

雉媒驅雉虞發機由鹿誘鹿足折蹄歸來籠檻飽飲啄
視爾鼎俎相追隨物情豢養或失性人事恩怨何難知
他年布弟劉玄德坐上徐稱董太師

禽言六首

不如歸去歸去無處江南旅魂招不歸汝獨啼向江南
路東風千年吹落花蠶叢而後徃徃皆天涯願後身世
世勿生天王家


郭公郭公何人誤殺此老翁至今哀鳴於雲中世間可
惜好活計長安公家舊宅墓聚六州八十四縣鐵鑄不
能成受人誤

婆餅焦阿婆惜殺孫兒嬌白頭望孫收我骨誰知孫兒
不得力斷送阿婆無餅喫孤魂猶記孫面目孫又不知
何處哭

把禾籬穀人生無足去年穀熟不償債今年糴穀如食
肉朝相催暮相催秧田水放三兩回尚待誰家借穀來

泥滑滑春雨多行不得也哥哥長岡峻阪君奈何驛塗
橫陳八九尺馬蹄踏裂深沒膝滑達滑達君勿驅安得
飛來助君力

提葫蘆村村處處無酒酤去年驛騎乘鋒車江淮酒課
江西敷江西之水不得力若問沽酒江西無



欽定四庫全書

集部

養吾齋集卷五

六

詳校官中書臣徐志晉

侍讀臣孫球覆勘

膳錄舉人臣李憲喬
膳錄舉人臣楊炆

欽定四庫全書

養吾齋集卷五

元 劉將孫 撰

五言律詩

默坐

焚香聽春雨默坐不觀書
千古如昨日一心遊太初
山寒鳥語寂葉落晚窓虛
受用償今我平生不願餘

歲初

新歲已復舊雨深無客來
踈踈青入柳淡淡綠肥梅
世

慮隨年倦天機借物催計迂託蕭散不厭小徘徊

春雪

一夜東北風三千世界陳明明不羞晝白白欲爭春河
煖漸殘凍天清壓色塵今番化工別又是一洪鈞

凍木堅猶折輕花忍獨難何期逢臘後未可怨春寒欲
闔粧逾澤將晞泣待乾由來頃刻玩賸得一番看

寄牕選授教導大慰公評輒賦二詩叙賀

府檄從公論鄉黌致碩師校官得明復

原注孫明復從
范文正公於睢

陽范公薦之
為學教導

弟子待千之

原注焦千之善教開館洛學
呂申公使子弟從之稱焦先

生虎帥憑君重舉比樂我儀從今不落寞三歲共襟期

每歎君房拙仍嗤學究村居多平丈我

原注放翁詩都
都平丈我謂村

校誤讀郁
郁乎文哉

更笑釜金坤

原注宣和間有出問題云乾為
金坤又為金何也乃書坊本誤

刊坤為釜作坤為金學
徒以監本示之乃悟

本色傳都授

原注唐書都
授者學長也當家

潤討論

原注近年教導為教
官掌代文翰之職

君來一洗濯湯便試黃昏

七日散藏經齋罷獨留南巖

齋散我自住雨閑雲共棲留行木上座送盡飯閣梨共

客梯雲洞隨僧屐水蹊慙無大椽筆空負石巖題

酒闌

對酒不成興聞歌早斷腸天懸萬戶水月浸一庭霜翻
覺閑為病誰傳醉是方深村逢長老何事鬢蒼蒼

洗硯

洗硯得新雨題詩聊紀年山川存筆墨歲月祇雲煙花
事紅塵外春風白髮前一溪清漲滿江海意悠然

日出巖

恰值佛生日遊於夢境回望雲穿石去帶雨出山來中
野疑何暝前峯望或開午晴吾亦憇新綠對池臺

巖遊

遊子瀟湘倦歸心逐翠蘿谷深纔有寺江遠不聞歌禪
夢世還小羈懷愁更多有情巖畔月待我一婆娑

調劉虛舟

一語不可得可憐相見難未應懷錦字要似問金丹世
路秋同老心期歲未寒塗窮思度世俛仰絕堪歎

過樵徑

歷歷昔所見悠悠今復經
愁能添髮白塵不到山青
斜月遲歸燕微風起腐螢
人生會行役可復恨飄零

欲行

役役長千里番番是暮春
自憐蠶作繭豈有燕留人
回薄何關命迂踈更坐貧
吾生等無擇石上問來因

槐城王國正挽詩

涉跡收三館題棺號一麾
斯文空日色吾道并天疑
家

慶生榮備耆英死傳悲一為當世慟更使後人思
論事心如血憐才眼最青山河向寂寞鄉國遡儀刑盛
德何人記佳城萬古局通家最承盼攬淚寄山靈

十日宿曲江上

別久望江路行遲翫歲華嫩晴雲剪葉新水浪翻花古
岸劉成壁枯洲淺帶沙悠然又成賦不省墮天涯

中秋月圓

富貴南樓燕風流赤壁舟若為千里客又負一年秋豈

不團圓許終無晤賞休酒酣如此夕君莫唱汀洲

宿石岐鋪

曾此僧同宿歸歟影自攜歲年慙種柳勲業媿聞雞旅
店多相識山溪漸不迷村酤聊濕口明日是江西

正月晦

貧豈文能遣花知信又寒東風天地闊久客歲年寬壯
志空留劍閒情莫倚闌栖遲兼落落俯仰付漫漫

別教幼邁

相望只同雲
茲行及故新
江空憐久客
年近看歸人
歲月堂堂老
乾坤草草春
共留今夜話
更覺別情真

語別

中路親知別
三年遠客心
語長愁燭短
酒淺釀情深
落月山蕪水
荒塗古又今
殊時得同宦
特用慰浮沈

宿鷺洲樓上

新月不滿樹
滄洲無限秋
何須主下榻
不是客登樓
別久更相問
宵殘語未休
披衣聽曉角
此日得吾州

答彭巽吾見憶

未必片雲遠能令故意踈第憐相爾汝頗費問何如顧
我俱為客輸君自結廬又聞蔣花竹安得共樵漁

哭長舅斯濟蕭國諭

一日不能待百身何可追飄飄寧識我變化復為誰一
世來因淺三年到處悲千行如血淚并入五言詩
無復來相過何繇更嗣音山林空好在詩酒莫重尋天
遠烏雛力春歸燕子心高堂煢白髮一望淚盈襟

叅政徐忠肅公宗仁挽詩

從橐頻憂治

原注咸淳左史

鋒車急濟時猶傳相韓偓竟莫返

家羈歌斷龍蛇盡天長猿鶴哀并無一哀處空復百年

期

逃山或行遯蹈海亦言然灰冷身為腊湖平月尚懸

原注

死於水火

有寃藏極浦無地禁新煙遠魄生蛛志歸榮魯仲

連

往往嫌迂濶悠悠共亂亡忠公忠是譜

原注忠公樸堃元杰其叔皆廣

信人節惠節相望玉表千人見丹心百奏長翹材記覘齎
歲晏撫蒼茫

過章山携表弟蕭朝陽之子謁先姑周氏墓因
為之立後割已田與之使歲時祭周氏

宿志如今契天知貴我希非關大業卜自念若教饑瓜
蔓人猶摘蘆灰獨為飛百年通一念持用答春暉

意樂

欲睡驚起我閑行鵲導吾山川奉佳致煙雨畫新圖風

日催暄早闌干入倦扶隔溪數聲笛可愛不能呼

宿齋

宿齋似禪觀細語透邊中何必三家異將無一笑同茫
茫癡證夢擾擾實談空嘗試觀川上江流萬古東

狼石在鎮江甘露寺云孔明仲謀坐處

促膝何知語當時汝共謀得非談赤壁焉得借荊州地
得羣雄重名餘一世羞三分成底事不似此猶留

和永興院題壁韻

古寺如松老危巢寄塔顛悲風來獨樹急雨失鳴蟬鼓
角傳天下旌旗擁日邊亂離談笑重日晏且留連

鳳山寺

小步散微酒斜陽投古禪地偏苔帶露山暮樹浮烟壁
畫評新意梁題愴廢年興衰增眼底於意失蕭然

江春

原注庚子三月
三日赴臨汀

佳節減凋零人間萬不平富兒儼金谷俗士品蘭亭歌
舞慳風致山林羨腐腥隨時雙眼孔亦復懶為明

又出杉關

寥廓增屢顧四年能遽忘何來嘗畏壘一笑亦桐鄉二
水循流盡千山隔路長有懷初過日竚立咏蒼茫

候舟

蕭然無可事投枕賞新涼為客當中路憑闌又夕陽夷
猶雖足樂展轉亦何長到得延平日依然是望鄉

三日微晴臨川發舟

三日逢壬吉中途發軔初西流添雨漲午日澹郊墟忽

忽鄉心近悠悠宦蹟踈看人作太守同樂是歸歟

原注是日

有撫州贍都丁同知
赴衢州治中同時發

東關發舟

一棹欲安之微官未了癡可憐為客日又是落花時迂
與閒身稱貧非遠宦宜乾坤真莽蒼坐失素心期

舟行

蕭然無可念欹枕聽江聲上水如此雨北風真復情四
山天欲束萬古石難平獨有幽禽語時時入耳清

訪完顏慎獨副使

曠世不一見居今有是公
神明天子後剛正古人中
霜氣千官肅春陽萬里同
三年香一瓣此日到南豐
淹滯當前日哀憐有大功
鳳能知汝屈麟不恨吾窮
盛德枯魚泣深仁密網通
東風桃李列亦是一枝紅

少日慙流俗周旋頗異聞
劒遲寧可學硯在不堪焚
世已無吾黨公猶念此文
長懷談孔孟何地得云云
別李政卿副使不及歸乃
得其留別數字

送行得寄聲中路見多情微雨適來集獨歸殊未平相
知在傾蓋何用說平生挂頰西山上悠然目若營

盱江小樓

遠役寧辭暑留行去且徐一涼思客館三月夢家書高
枕餘閒足清談百念踈憑闌終有興明月照踟躕

示趙青山

連床聽夜雨推枕話平生此世無賓主窮途自弟兄向
來何許志亂後且為情士雅何當奮還令越石驚

留建昌

煙城澹塔竿縮水抱洲寬客路幾行役故人誰歲寒孤

舟中道感三日兩年殘無復遮留者悠然撫夜闌

原注
往年

過此趙定字每以
不及為恨今亡矣

與賴愛山別

吾歸君更老此路豈重來難說別遠近祇應書往回江
湖耆舊少歲月道途催古樹滄洲晚徘徊一棹開

與熊天慵自三山同歸天慵出江西

我又送一客何時我亦歸不妨身少住但使願無違白
鴈仍南北青山孰是非徘徊立江上雲影記秋暉

候趙弘道僉事移江西

冷官候歸客俯仰意蕭然往復同千里蒼茫記一年寒
雲亂鴉後野日落鷗前獨坐孤亭久悠悠極自憐

七哀

死乃尚可忍哀哉何可甘風塵起燕趙海角陷東南機
會渾難信功名勿漫談從今收百念改面事黃曇

望望乃大謬云云信有諸誰能收玉體寧復歛金魚有
髮難歸婦無兒可守廬斯人乃如此憤憤欲投車
斯人尚如土我輩合為泥英氣寒燕北餘羞洗隴西孔
明難尚可越石恨應齊從此江南樹羣鳥得意啼

三山初歸

欲脫如驚兔一行真悔來不能鳳翔何更遣鳩為媒久
客愁煩役閒情總冷灰寄聲謝風伯好送一帆回

清江江上

新月帶雨濕顏雲如陳殘細談不可了欲睡更重看靜

聽江鳴櫓誰知客倚欄更同一夜話轉覺別時難

原注時蕭

高風
同宿

客夜有懷

夜雨如流水春寒滿小牕孤燈立四壁倦夢渡西江山
氣侵詩骨簷花和角腔何人有忘疾此處此心降

六日出閩界

度關猶借問真箇是江西便覺安心竟今非作夢迷出

山輕可悔隨世久俱低婚嫁何當畢閭閻亦定棲

出關

旗鼓喧重騎郊關駐別杯仍煩厚相送猶記悔初來無
德誰將戀多情亦甚推不惟載家去更喜抱孫回

連作三山書問倦極有賦

人事須來往寒暄托故新昔為嬾叔夜今作倒陳遵世
路方苛責客心長畏人何時深却掃筆硯付生塵

欽定四庫全書

卷五

欽定四庫全書

養吾齋集卷六

元 劉將孫 撰

七言律詩

臨汝書院

原注馬深居所創深靜完
整往年予嘗得山長不赴

高堅棟宇夥沈沈
絃誦無人鎖綠陰
豈有文章扶世道
空餘樓閣壓穹林
蒼茫話柄寒灰後
寂寞諸賢道統心
曾割半瓊嫌尚遠
十年更著萬山深

客來

睡起小窻聞客至
蟬聯坐露久成癡
他鄉明月我與爾
四海古人今者誰
風霧空濛談慷慨
溪山破碎夢參差
平生本欲逃昏宦
展轉中年興可知

和馬僉事鄉飲韻

皇華嘉惠禮行嘉
坐覺東風轉柳芽
諸老如歸周北海
窮鄉相會魯東家
豆籩自古稱為聖
風雅遺音誦敢譁
莫笑陳人衰已久
雍容賓席豈非華

僉事崔公彥材

傑

臨發索詩

有序

伏承廉訪司僉事相公臨按山邑肅清吏民
觀風所覃染俗頓革幸備下走得奉教條每
蒙撫存曲盡誨愛臨發索賦佩意彌深輒成
短章以志知已

一節公忠衆莫攀四方選表不教閒氣吞西碓山河外
名撼中州臺省間儀鳳遊麟出為瑞握蛇騎虎笑非艱

蒼生大有為霖望未許驅馳老玉關

原注公見告平生所歷官嘗未滿復

遷擢去且歷言周旋臺省
屢排大奸掃權貴數事

先聲所至凜於秋懷抱如春語笑柔庶獄哲矜真澤骨
萬金涕唾肯回眸十官一馬無留畜二膳常衙不退休
但得片言皆政論他年會有史能修

原注折獄辭金以
及不買馬不退食

皆公相與言
平生及此

州縣由來繫本根繭絲保障渺難論但教落落皆元結
豈必區區恨子元稂莠不除終害稼參苓雖好莫還魂
有懷緒論書紳在不但人間清渭思

高軒少日浪名虛流落窮山怨莫舒百謫陳遵寧可免

一言駸蔑喜無如威嚴曲霽何非教政術皆師但恨疎
從此四方說門下已應勝讀十年書

原注公臨去時
曾有公舉之言

清江分司蔣長卿僉事席上和韻

何人能顧客星槎浩蕩春風放兩衙尊酒西園同藉草
清談雅詠欲生花人生難得開懷笑明日相思有味茶
不為使君留得住片帆當已宿漁家

送方崑章君昆仲歸南劍并寄湯中山及林碧
山范碧灣張省吾諸君

游雲藏劍坐差池二陸江南為說詩春絮送君分袂日
暑風記我出關時天長雨絕嗟何及燕老鴻稀有所思
寄語故人好消息相看未失舊襟期

志聞

縣吏家家夜打門春寒悄悄晝空村料應仰屋多竊歎
安得先生肯正言乳虎一時寧復計弘羊千古不稱冤
豈無他術樓高位亦使蒼生得自存

又說舟車算賦租寧惟磽确化膏腴遺民墮淚元太守

蠻子叩頭桑大夫有客不須誇泛宅從今敢復歎乘桴
閒中今古聊成笑難載西施泛五湖

和尚學林感懷

古路三義落日淒總難開口况談詩青春已去安歸只
萬古不然今信噫落落故應君與操悠悠焉識我為誰
自憐年少成何事昨日旁人指鬢絲

夙興

自笑殘生愛睡鄉時時也作攬衣忙西風三日木犀雨

薄曉滿城梅角霜三十九年驚夢過五更二點記班行
八千里外瓜期報徙倚看雲喜意長

和青山會散韻

燭光穿透半林明攜手行扶送衆英月色挾霜寒半戶
梅花帶雪守殘更沉吟獨笑談堪憶欲睡不眠詩未賡
忽憶明朝當送客孤燈挑盡若為情

與鄭元夫會社平而別

等是兵間亂後身同行共轡了無因已憐太白配殘月

況復南箕望北辰一世壯心成昨夢千年知己待何人
詩成憶盡平生友舉扇西風幾許塵

解嘲

九萬風高落照前三千身老暮雲邊我生本是悠悠者
汝正何須研研然龜策肯知賢士意琵琶自感昔人憐
斷無六國黃金印猶復癡心二頃田

九日和彭明叔登高

古今九日稱孟嘉落帽陶潛獨酌潛於嘉為

外孫潛為晉處士而嘉以此與桓溫同傳哀
哉孟生本自落魄何與人事郝超輩安在彼
不與為黨而嘉與焉前史之妄不足惜而干
載未有一明之者豈不可嘆也因和韻志其
恨云

酒與身名孰是親垂芳遺臭等時新小兒已作晉處士
一命獨為溫輩人壁後豈無推幕客醉餘不濯墮纓塵
千年史冊無端的閒愛禪房白氎巾

山中

澹澹疎雲襯日光
雨新泥軟暑風涼
林空終歲有落葉
路轉半山無夕陽
客燕又看忙護子
乳鶯時聽靜調簧
三年到處成桑下
何限閒情總未忘

文江中秋夜宴和觀復僉事

空濛露氣靄天庭
桂影無風玉宇澄
一段碧雲如渡海
半牀涼月欲眠冰
昔離今聚憐秋雨
坐詠行歌得酒朋
踏破瓊瑤三萬里
廣寒元不用梯層

不知秋夜幾何長似可淋漓更幾章
落月窺人如半面清風對客不成霜
坐來歡伯聊知己行聽簫聲為斷腸
如此江山如此酒可能隱約待回廊

鼓笛滄江破夜闌意行緩坐得追歡
一年此夜況有客萬里與君同倚欄
疊紙揮毫馳腕脫停杯移坐就天寬
縱談滿眼中州集更覺瓊樓玉宇寒

考試

十年矻矻事雕蟲二十周星斷曉風
廢簡回春冷灰外

寒牕讀賦萬山中重期將相公侯選肯信倡優卜祝同
努力後來宜絕藝太平制作待諸公

送陳宏叟第三詩寄其兄壯叟

十年名士不相知後出難兄更崛竒落葉空山人自語
西風古路客攜詩往來盡是新吟者談笑長如未亂時
異代他鄉猶有此匆匆能不恨分離

未可悲歌吾道窮詎知異好有同功千年科舉除流俗
一旦文章得古風餘事倡酬供日月太平制作望兒童

了知此事須吾輩碌碌還應媿阿蒙

長公仲氏近何如臨別憑君問訊渠四海元龍難著傲
窮塗阮籍故應疎三生有命中原世千古無情一卷書
有約不來秋又去江空歲晚孰憐予

約龍仁夫共語不至

黃埃赤日君何往嘉樹清泉我欲眠閱世平心多一笑
逢人開口亦前緣坐從塔影無陰起問到山僧建寺年
共對金仙思此劫不知為減復為賢

登麻姑山

五月炎天不作埃清風如泛陟崔嵬吹散紫陌紅塵淨
直上玄都絕頂來騁望未應吾興盡好懷須待可人開
瀑聲近處行微倦未飲先嘗水一杯

殘雪

忍寒小立傲空濛此夕何人意賞同斷角疎鐘人定後
亂山殘雪月明中一天霜氣凝冰柱萬里烟痕襯玉虹
尚可數朝供去聲茶事今年最是不匆匆

二日寒雨聞客語有感

歲暮因依風雨交寒爐客語慨農郊夜呼總是田賦急
火迫都將椒頌拋閭巷閉門無竹爆兒童剪勝自梅梢
蒼生辛苦誰當奏憔悴臣同在旅巢

臨川荆公祠堂

白髮何求坐廟堂苦心千古視荒荒天津有客攢眉早
洛下何人著史忙展轉已憐初意失是非更覺後生長
青青芳草江南又誰向新亭泣夕陽

秋懷

渺渺西風遍九州
江花江草索然收
青天萬里鴈飛盡
長日四時蛩語愁
白髮宮人杜秋曲
中年客路仲宣樓
浮生何用思渠事
天地由來慣作秋

放榜

零落鳩盤待抹塗
依稀榜帖報黃萼
龍門久息三春浪
馬廐新開一日花
鴈塔天傾塵莽蒼
雉譙風緊字橫斜
少年場屋麤豪意
直舍人歸看暮鴉

寶氣亭

千年九地蟄深藏獨為張雷發伏祥自是羣兒無眼目
何曾一夜不光芒陰幽如獄堪蟠屈變化為龍極混茫
我欲西江吞一口行澆鑪水浴干將

題郭招討野齋

少日經行某水丘至今如畫目中留千年尚父遇西伯
萬里伏波思少游風致山林疑未晚功名歲月慨如流
但存物外超然意何必山廬更釣舟

盱江

山圍故壘鬱參差遼鶴歸應記舊時巷陌猶書晉甲子

女牆未改漢罍愚

原注盱江城未廢視其
睥睨坊扁猶開慶舊題

高林翁仲留

殘照古字塵埃拂舊碑寂寞西江猶有此風流俛仰可

勝悲

羅壺秋訪來志別

霜信橫江鷺不飛風流晚歲倍依依蒼茫寒日三竿短
冷落詩人一舸歸南北行囊惟史記文章餘事到禪機

祇憐夜夜空梁月夢破梅花水四圍

遊白紵山

原注白紵山在當塗十數里相傳桓
大司馬每登其上歌白紵以是得名

後人亭其處為游賞
北望地又名四望

危亭突兀據山墩芳草長封晉履痕去後無人歌白紵
行來何處是中原一春不識桃李面夾道聊看桑柘園
豪傑風情誰復念晚烟歸路市關門

咸淳己巳余年十三隨侍漕幕時幕中多名士以詩
稱者莆田黃一廬以牧而山南余魁安裕自建康來

尤自負詩筆素稱江東偶諸公共會白紵山山南為
此亭賦詩余固未嘗學作律體也不肯為不能者強
出此和家君一見微笑以視諸公山南一廬大稱賞
以為去後行來雖後村諸家節制不過如此明日一
廬又誦之古心公且以簡來云一夜思之此聯無以
加繇是予亦妄意衝口而談詩今髮種種無以醺知
己之言姑記當日提獎之所自如此非敢衒也

送春

竟亦何嘗受用春送春每歎百年身曾無一覺揚州夢
也見三番海水塵前度看花誰負我長楸走馬似何人
從教風雨連天暗我爾相忘一欠伸

送春三首

今夜初程阿那家飛觴恨不到天涯人情空似繞枝鵲
春事真同赴壑蛇夜雨興亡餘燕麥曉鐘南北夢鶯花
千紅萬紫成何事至竟桑麻是歲華

此別年年何在今但悲不得醉鄉頻多情薄倖日邊雨

萬水千山天上春芳草茫茫金谷友斜陽冉冉燕樓身
楊花零落滄江路每歲相逢是故人

色香世界轉頭空萬古銷磨一笑中獨坐最愁當落日
驟歌忽覺已南風長門天遠千金盡閨苑雲深八駿窮
明日多情聊遣處綠陰啼鳥隔簾櫳

馬觀復同天寧閣上觀水和韻

身如飛鳥立雲孤恍惚相攜藥市壺是處荒殘增感慨
箇中指點到虛無江湖烟浪東南坼仙聖風埃九萬扶

曾是年時登覽處茫茫斜日水平湖

豫章臺

傑閣高臺斷復連舊時歌舞落荒烟空餘喬木枯成腊
轉覺西山淡欲僊湖海元龍何敢傲江山王粲自堪憐
書生情性終來別才到登臨思悄然

臨川

臨川門外綠浮城擬峴臺前雨弄晴賓主千年幾叔子

江山一笑亦初平

原注臨川地志稱
羊角洞天故云

閭閻歌舞更隨世

翰墨詞華肯讓名

原注臺有數碑皆繼南豐不知裁而作而寫曾記者復自書名不書曾

晤賞由來俄頃耳好風佳月付臺兵

題城隱

何處如今更有仙此心安處即悠然移松忽忽成尊行
種柳匆匆又少年世外笑談懷客語閒中早晚刻鄰煙
東風似妬人清福啼鳥牛山驚晝眠

與黃西友宗梅洞郭外小步

不得過江觀爛霞却乘餘興到山家可憐晴日况此客

但有賞心何必花荒草野田隨步遠斷流新雨繞城斜
村酤雖薄須聊醉明日滄波望眼賒

自省

如此風流如此休十年心事兩悠悠昔如駿馬方馳阪
今似飢鷹欲附韉秋雨路傍相識少春風觀裏獨來愁
倚闌莽蒼無言處何必成翁是白頭

清明日晴

莽莽中州草自青江南池館黯然平翻教風景不相似

選得清明也解晴荒塚琵琶忘舊曲斷橋羌管競新聲
山河了不關人事底處曾為百二城

到洪

纔從楊柳陰時去又向黃梅雨裏來漠漠曉雲低欲暝
冥冥水氣濕如苔神仙政爾皆陳迹城郭依然只廢臺
鷗鷺莫嫌何屑屑行藏自欲混塵埃

丙申元日

家書宿報平安字尊酒相於南北賓

原注時數客留學於此南北皆有焉

香霧空濛殘夢曉燭光蕩漾小窗春谷鶯海燕聞雷早
風虎雲龍送雨新客舍官居人事省掩關燕坐屬閒身

十七日宿新口

關水潺潺各自還歸人去客路聯翩

原注是日遇夏元帥將欲赴福州總

管千端世事堪一笑百歲人間幾年隨寓無聊吾僊
矣茲行所得足蕭然祇應後日談癡絕尚與溪山結澹
緣

送歸

積水平溪柳自春天涯海角白頭新
茫茫相遇同為客
去去時看汝送人明月何曾隔
吳越青山各自占
湘秦
歸心遠逐江西去翼翮何由生我身

盱江買船

南州行去不多時又買西江短棹歸
六月雨肥秋渺渺
一篷人瘦月依依
倚樓宿酒餘殘夢轉柁孤城恨落暉
最憶盱山奇又秀
千巖如畫翠屏圍

和蕭壑冰至日見寄三首

幾度寒爐話雨陰平生心事付長吟久留未覺懷傾倒
忽別却知愁淺深柳下水邊重到約人間世外未來心
多情正爾還多恨誰把吾曹直一金

愛君妙語絕如陰笑我三年作越吟歲冉冉同行客去
雪茫茫隔萬山深登臨愴怵形神影俛仰欣悲風月心
不曉相思緣底事過於失玉更遺金

何限笙歌不咽陰天教我輩作蛩吟可人政爾少愈少
閱世奈何深復深醉裏平生華屋眼花前一往少年心

眼中夸奪紛如意自喜無慚舉袖金

隨興

荒閬亦無芳可尋飄流贏得此登臨
輕雲閣雨花逾澤斜日穿簾樹有陰
詩酒澹能留客興溪山展不盡春心
錦江洛浦吾生晚反覆人間古又今

阻風泊鄭步共壑冰諸賢上岸徘徊久之夜坐
於柁樓風甚

江閣彌旬目斷望滄洲共載宿連荒似憐我輩一別苦

特作北風三日狂是事有時忙不得我行無速住何妨
但慚柂屋談相對寒倚吟肩無處藏

欲泊新淦次質記戊五日亦相與阻風南塘灣

口

浪颭烟竿淡靄邊寒欺客袂北風前當時停棹曾五日
今與同舟忽十年歷落塵埃吾老矣纏綿今夕子依然
故人昔醉華堂夜轉盼山丘更可憐

過新淦遇蕭高風宋梅洞

牽聯解后得同流有約何能似此躊遠客不憂明日晚
北風似為可人留去鴻住燕同今雨沽酒得魚來水頭
正爾合離驚夢覺一川晴霧落悠悠

贈蘭思

蘭思卷舒師席領袖家山羣玉留人沛吾乘
兮雲氣九仙招我忽臨睨乎故鄉喜季子之
來歸感朗陵之久別高矣美矣孰如晚節之
香言之歌之真有登仙之美惠徽誼味薄叙

和悰

一代風流賀季真人間遊戲謫仙人
神仙畫錦新官府
文獻天葩舊搢紳南澗林泉端有約
北山猿鶴斷無嗔
九仙迎笑還吾侶第一頭銜不染塵

俯仰

俯仰如鷄寄鶴羣家書信鴈兩浮沉
小窗淡月浪浪雨
一枕西風寸寸心癡絕已無金屋想
夢遊不到玉堂深
少年似我原虛度况復漂流老日侵

送莆田班尉舜玉

宇宙猶容此士奇，江湖坐歎此生違。
揚州舊日名書記，塞上中年勇布衣。
對酒醒狂豪氣在，倚樓意賞壯心非。
何當著我東西屋，笑傲風塵也息機。

劍客三年歎索離，眼明初見便知希。
相從已覺十年晚，忽別俱持一笑歸。
匹馬短衣魚計得，殘山剩水鵠身微。
寄書漫有臨分誓，正怨江閩鴈自稀。

甲寅離光澤至石岐

慇懃送客話新晴
俛仰流光百感生
一往波濤隨運去
回看歲月自心驚
浮沉玩世今方朔
蕭散居官一長卿
古路塵埃漫今昔
八年贏得客身輕

漫題

力屈塗窮定某州
如今草莽是何丘
已傷無哭田橫處
乃有追評葛亮謀
劍氣閭寥孤拜斗
龍光變滅蜃成樓
逢人不忍重相問
時倚空庭淚洒楸

穹穹厚厚此含人
零落纍魂託斷雲
萬里忠精記高廟

一函枯腊從先君越吟已復江南些漢土終無海外墳
故舊盡哀知有處西州鞭語不堪聞

李志蜚和前韻作三詩來見且道座主瓠山王
公自東平寄聲語各如來韻次答之

一笑相逢寂寞濱未言蚤已識丰神我為何者元和脚
君勿談之戴晉人道故此時喜傾蓋語離前路渴生塵
意輕萬里當如此浩蕩男兒不負身

素餐千載愧河濱落月依稀夢不神特達公能為座主

金
卷六
栖遲我未免鄉人寄聲未有一箇字攬袂更添五斗塵
河濟閩山瞻莫遡撫今感舊可憐身

笑渠寂寞臥漳濱豈必區區著論神往返不知三閱歲
飛鳴會見一驚人縱談傾坐茶餘味得句連章水不塵
甚喜故人真有子風埃珍重祝長身

快閣

此閣因依翰墨香高於儼峴匹滕王峯多遠引江平闊
野曠平陳天混茫清景何曾於世隔人生彊半為塵妨

後來豈但無詩句絕笑癡兒抵苦忙

向令賢達盡得意豈有風流遺後來安得人生如此水
莫論世事且銜杯昔時風月多情賞閒處山川笑口開
不是深明窮太史東南更有最高臺

慍菴郎中快閣留題刻布傳和過廬陵得見一
鉅軸次韻

案牘勞形九曝蒸闌干入手一吟凭片帆落日天風飽
一雨中宵雪浪增明月窺人長是客畫圖著我勝如僧

沙鷗洲鷺休驚起社入江南自我能

寐懷塵外桂枝叢感慨凡間野鶴籠有限身聊永此日
不平事付快哉風飄零江海詩千首報荅乾坤酒一鍾
欲識襟懷玄悟趣扁舟清漲百灘空

呈敬軒公

莆田參政敬軒公與先君子須溪先生定交
於廬陵謫居時同舍同年同門同朝知契深
厚亂來隔絕不肖來閩往復二十年每問契

家何如於莆田往來者茲行光澤見吳教諭
能言中齋屹立風波中深慰此情聞教諭弟
歸欲專拜書渺其今昔何所可極輒附小詩
以見惓惓言有盡而意無涯也猶憶癸酉先
君送先參政守廬陵歸詩序有云追念江東
辭舉姑蘇惠予孰非可感此詩傳之兩家子
弟永為好耳今詩追記前語俯仰淒然

市朝早歎轉頭空門戶欣傳屹棟隆
南北風霜陳迹遠

金
卷六
江閩子弟幾時同空餘易世懷中散未必通家記孔融
四
十
三
年
一
詩
問
猶
勝
今
字
不
相
通

延平移病

吾行不計是耶非身外茫茫一羽微避世長卿何況病
彊來王式徑須歸老人兒子長竿伎有道先生杜德機
千里無慙持一笑蕭然清絕返萊衣

旅樓

重雲辛苦熟黃梅四望冥冥撥不開細雨小樓人獨坐

黃昏隔屋燕飛來
昔時種柳今成樹
前度看花半是苔
徙倚周遭成冷笑
人生逐臭肯心灰

五言長律

浴乎沂

休沐宜相浴
時哉豈自娛
于沂盡賢者
吾道亦春乎
盡洗言侯霸
羣來詠魯洙
駕言適彼水
餘興舞於雩
花柳聖門樂
鳶魚天理俱
笑渠脩禊者
除袂競區區

己巳三日當塗學官招募客同舍會于東教廳浴沂

亭李叔通謹思素相與忘年戲笑因謂東教趙崇奎
養大云宜試此君趙蓋初上未久趙謂已非詞賦遜
西教天台戴覺民希尹戴方思所以命題呂監簿圻
正父云只亭名最親切謹以為宜纔具筆墨叔通戲
云停筆磨墨者罰諸客環觀或曰只有沂字可押余
性不欲蹈成說不敢謂乎字亦可押漫且題奉試小
緩之即得春乎韻恰湊上娛字蕭如堦先生云娛字
十虞叔通曰豈可押乎字耶客共謂難押忽見落筆

皆驚贊及成篇傳玩尤以花柳鳶魚一聯為精微入
理一時夸許至達朝路他日賈平章堂中亦問古心
公云聞江東時館中一後生省詩押奇韻公舉此亦
一笑偶然億中無足道者而斯文之知始此至今猶
蒙被其賜故不敢忘而著之此云


玉堂今夜涼

今古文章手傳宣臥玉堂人間秋未到天上夜先涼學
士青綾被中書白象床襟懷三伏雪枕簟五更霜漏靜

聞鈴索風回帶御香明朝傳制草好語滿班行

是歲六月留昭文館中值謝堂建節丹山先生當宣
鎖隨諸客往觀中夜在庭丹山已易服堦下立馬待
矣丹山忽見顧云子為我立成一詩玉堂今夜長吾
改一涼字子即賦之當時口占作此丹山極賞人間
天上之句且謂劈頭今古字便是活處尤喜後四句
語諸客云此郎會到此處今渺焉如夢惟大君子之
賞識不可以不識也此詩拙速所為有當改處不忍

忘當日意姑存之



欽定四庫全書

集部

養吾齋集卷八

詳校官中書臣徐志晉

侍讀臣孫球覆勘

膳錄舉人臣秦櫛

膳錄監生臣龍舜耕

欽定四庫全書

養吾齋集卷七

元

劉將孫 撰

五言絕句

古興三首

井深泉始冽，綆短空勞心。
不悟綆不及，但怨古井深。
弓強力苦弱，挽極意廢然。
不道力不逮，反咎弓性偏。
新絃上古桐，挂壁三十年。
不省久不彈，更且求新絃。

六言絕句

和宜可感懷

路傍王孫勿泣南冠君子莫啼鈴語占胡洛度童謡聽
拉颯栖

有客太息太息東風一年一年越女歸來化石秦人大
半成仙

坐閱燕來鴻去寂無虎鬪龍爭雕欄玉砌何在高臺曲
池未平

焉能忍此終古與女遊兮九河嬋媛為予太息夫君不

來奈何

得酒但須徑醉有詩何用鑄頑斯文自萬古事一醉又
一日閒

年年三月鴈去日日五更雞啼玉關不見生入會稽誰
念愁栖

海上一十九歲車中三十六年逢人不敢開口避世除
是飛仙

天道非耶莫問人生到此何爭銅輦荒涼無夢葉溝鳴

咽難平

事去劍空斫石悲深淚漫懸
河殫棋有不平處飲酒如
作病何

東方小兒狡獪長樂老子癡
頑署大傳作履歷按北斗
似等閒

七言絕句

春日即景

急雨驚雷短夢過晚晴草色靜如何
一溪新綠無人管

付與鳬雛飽弄波

紅紫元知只軟塵不堪日夜竟時新
回風珍重思歸鳥又向人間送一春

深綠啼鶯清似琴轉九流水自天成
王孫公子雕籠內憔悴何緣得許聲

布穀知時苦勸耕農貧謀種更關情
不知聒得田家厭夜夜村村叫徹明

城闕荒涼秋復春青林高下歲時新
亂山野水斜陽路

漸覺沙鷗不避人

天風梅雨盡新亭誰寄遙遙貞觀孫滿眼兒童新宇宙
已無父老說開元

布穀子規啼暮春春山蠶箔更清新教人却恨南蠻舌
不似禽聲字字真

楊柳陰陰梅子酸燕泥雨濕落花乾東君也作人間別
特地花開幾日寒

桑葉青肥蠶再眠低雲疎雨晚春天筍興睡覺山新濕

流水斷橋聞杜鵑

山路茶香觸鼻清
不須煎焙入瓷瓶
摘來帶雨徐徐嚼
也得籃輿午困醒

和宜可感懷

六朝舊跡餘淮水
百尺荒城感石頭
不用題詩悲往事
後來自有後來愁

鋒車使節欲空班
昨日平章出北關
斷送乾坤消幾許
一邱荒草木綿山

連雲偉觀千般巧
賽錦頭船十樣長
只恨裏湖遊不到
裏湖到了外湖荒

長羨馬城城畔叟
油牕眩目四時花
如今邸第難依傍
旋問山農學種瓜

狎客有樓貪午夜
幽人露坐惜芳樽
風流彼此無消息
無雨無風早閉門

絳紗玉斧瞻天表
雉尾龍旂破曉雲
萬事由來誰料得
天涯今日甬東君

撤了明堂詔舉賢大州論萬小州千如今不用人圍棘
滿地荆榛雜草芊

贊祀轉廳頒邑厚宣麻歸袞賜金多太平宰相平安在
聞說翩翩北渡河

孤山大小屹江心最愛危亭隱樹深粉壁半顏詩客盡
一江憔悴到焦金

閒說承平似昨朝回頭何事不魂銷珠簾繡幕爭迎駕
金鼓紅旗看弄潮

山居苦

村深無藥又無醫
旋斫生柴晚未炊
風雨連朝人跡斷
鹽無來處菜枯時

夜半星炊起飯田
月明績露趁簷前
囊衣餅粟粗能遣
草薦藜牀亦可憐

長官入境費逢迎
縣吏敲門早縱_去聲
橫不但過軍能色
變夜間吠犬亦心驚

故京道上

百年吳會朝天路拋却筠州行信州二十年來信州斷

黃河通得兩淮舟

原注誠齋詩云筠州舊是朝天路七十年來行信州

舊日三更有夜行公郵私餉走如輪可憐白塔山頭路
白日堂堂少過人

石板長街化亂蹊連薨華館改雞栖塵埃壞壁依稀字
猶有咸陽一德題

和城山見賀遷城隱六絕

江山草草成萬古天地悠悠今五年猶能東住移西住

尚勝南遷與北遷

處士竟誰分
晉宋小兒不復辨
曹劉游塵漠漠能成海
洪水湯湯盡化漚

龜策安能卜
爾居悠悠忽忽復為娛
假饒夜夢千億種
豈有天風九萬圖

夜光處處閎
奇珍閒却千年有用身
落落風雲無勝槩
悠悠天地總孤臣

蜀鳥尚思前日蜀
錢塘不是舊時錢
何堪世事分今古

惟有江流送歲年

茫茫世俗盡成猜
敢向人間自詭才
江濶波清鷗自在
山空雲暗鶴歸來

村平閒日與青山賭
詩各得數解

簷陰緩轉厭呼茶
手倦團綃坐半斜
忽聽一蛙鳴草際
呼童著屐探荷花

綠陰啼鳥不知名
午睡醒來獨自行
山下行人應羨我
誰知愁是此中生

飛鳥帶將梅子落癡蟲打得紙窻聲莫嫌獨坐愁如海
滿眼新詩拾得成

竹林風定日流金人似遊魚抱釜鬻道是無情如有意
時時一霎放輕陰

日長談倦厭拈茶怕惹閑愁嬾賦詩忽憶故人天外去
綠陰濃處立多時

莫將幽夢攪天涯珍簾涼厨鎖碧紗自愛竹牀趺坐久
起來蒼筤已開花

田間即事

力作朝食苦易飢
眼穿婦饁已多時
隔田又見鄰先餉
遙問儂家底事遲

夢語

芙蓉誰賞玉腰圍
香霧何人煖鳳棲
寂寞一窻殘夢醒
滿山明月杜鵑啼

和趙定宇欲遊武夷訪道

匡阜只今無太白
華山未必有希夷
節食服藥差少病

閉戶焚香取次嬉

成婦詞

幸自清宵遠夢稀
何人遞得近書歸
不知山上人成石
猶說天寒更寄衣

汪水雲復索西湖一曲
權歌如諸公例十首走
筆成此

東橋西橋春水生
南高北高春日明
畫船四望遙指點
何日兩峯高處行

朝見去棹波鱗鱗暮見歸舫泊層層
斷橋橋邊初弦月
大佛頭裏一點燈

第一橋東嫩柳黃
第四橋外烟微茫
舟中何處窈窕女
岸上誰家遊冶郎

柳堤點點照紅粧
畫樓歷歷盼倚牕
淨慈寺前僧三五
湧金門外船幾雙

當年兩度別西湖
湖固依然客自疎
歲歲城中出遊賞
鴈飛不帶上林書

淚淚休窺葛嶺邊停橈莫近裏湖前當時眼見都如昨
一夢人間三十年

清明時節下湖天富貴中官百戲船就裏最誇水爆杖
如今祇有掌喧闐

春燕弟子頭船樁三學諸齋日日爭寶祐坊街無角伎
西湖書院有書生

連雲偉觀想飛埃豐樂樓基又劫灰珍重書生數間屋

慈原缺元曾架櫟來

述賤羈臣感舊遊蕭然樂叟出春愁道人閱世心如鐵
受用西湖到白頭

別龍仁夫返浙八首

十載如雲取意飛一行似鴈忽先違江西生長江東老
又說江東正是歸

歷落江湖一束書平生浩蕩志何如高懷健論消磨盡
敢向人間說遂初

此世懸知不我親平生更覺白頭新不知落月空梁夢

四海鍾情合幾人

杭州客舍望歸情
歲晚鄉關忽去心
欲問再來愁出口
十年一別到如今

膝下嬌兒語帶吳
眼中冰玉託崔盧
把鋤相對吾無望
時節澆松子念無

煙雨樓臺蒼莽中
建章禾黍塔西東
可憐舊日明光手
想像招魂補楚風

欲說思吳思悄然
君遊不及竟寧前
平安只有西湖水

每歲春風著畫船

老鶴飄然遂故丘一壺何日泊中流如何季子貂裘敝
只在春風燕子樓

延平謁告歸省塗次雜紀

珍重延平八面山一年著我翠微間終然不滯看山福
又共東風作往還

往日驪駒意已灰年時鐵錯鑄難回可憐夢夢西江去
漫道重來似未來

當年病客倚空齋破屋西風自感懷誰信再來開絕景
溪山亦若為安排

二十年無進士科新愁舊學久消磨一官乞與閒無奈
徙倚庭前自放歌

水遶山圍故有情舊鷗新鷺總成盟東風獨作鄉人意
一雨綠波相送行

北南從昔意難侔清濁相逢復異流何事郵亭一杯酒

殷勤也作弟兄愁

原注高提控良臣張司獄仁卿

十年白屋遽青雲轉眼練裳愴客程使國不亡那至此

臨歧一慟不緣卿

原注劉淵德時相送過順昌蓋蒙川元樞子也

我亦安能振子衰徘徊百里淚如揮江雲淅雨無他祝

好做溫州一布衣

原注淵德別於吉舟鋪持杯再拜而泣本瑞安人

萍梗相依忽一年相於相密豈非天未歸只道歸時樂
及至臨分更黯然

把做玄都小夢回自龔公案絕驚猜劉郎臨別丁寧意
但有桃花一任栽

題婁易牕北行詩卷

送盡高人侍尚方
金門羽客意堂堂
箇中也有悠悠者
萬里歸來詩一囊

金掌仙人去不辭
秋衾銅輦夢無誰
可憐華髮玄都客
風雪龍沙自詠詩

送劉師復道士隨主人進京并寄蕭與道

烟雨空濛一鶴輕
又隨人去上瑤京
三山明月聊須看
莫望花枝傍輦行

移棹纔過桑落洲滿前今古到中州且尋故老談成史
未用題詩莽說愁

百年寤寐想中原輸與閒人恣北轅萬里故人煩問訊
可憐溝壑但寒暄

詩餘

踏莎行

閒遊

水際輕烟沙邊微雨荷花芳草垂楊渡多情徙倚忽成

愁依稀恰似西湖路
血染紅牋淚啼錦句
西湖豈憶相思苦
只應幽夢解重來
夢中不識從何去

阮郎歸

舟中作

斜陽江路柳青青
傳杯那放停
上船不記送人行
南風吹酒醒
江曲曲路縈縈
月明潮水生
送將殘夢作浮萍
角聲何處城

南鄉子

重陽效東坡作

山色泛秋光點點東籬菊又黃歲月欺人如此去堂堂
一事無成兩鬢霜佳節共持觴無限盃供有限狂明
月明年詩句苦茫茫細把茱萸感慨長

八聲甘州

九日登高

不看萸把菊對名山無帽壓西風渺四海故人一尊今
雨萬里長空宇宙此山此日今夕幾人同舉世誰不醉

獨屬陶公 當日白衣幾許漫淒其寄興落日籬東撫
停雲六合借醉托孤蹤弔古不須多感古人那得共杯
中拚酩酊明年此會誰似從容

和人春雪詞

看東風天上放梅開經歲又新成笑柳眼迷青桃腮改
白蝶舞塵驚任是萬紅千紫無力與春爭想建章鴉鵲
猶是殘雲 不比臘前憔悴賸寒爐榾柮茶薄煙清快
玉龍戰罷四野迥收兵望紅光扶桑國裏玉龍吟海天

平晴窻下疎疎花雨滴滴春聲

送春

又江南三月更明朝便已是南風擬強駐韶光狂追柳絮卧占殘紅早向尊前沉醉莫聽五更鐘贏得春公笑惱殺渠儂只道東風不改年來歲去柳密花濃但沈腰潘鬢無復舊時容春還是多情多恨便不教綠滿洛陽宮只消得無情風雨斷送匆匆

滿江紅

建安戲用林碧山韻

正好花時忍辦得，
惓惓來去道一往無情。
却又別顰愁，
嫵細說雲鬟高樣，
髻長思紅袖行分路。
怪近來不怨客，
羶寒嬋娟誤。
黃花約終難據，
曾未肯清園住。
只畫思夜夢淺斟低訴，
蓮子擘開誰在，
意徐娘一笑來何暮。
又爭知寂寞白頭吟，
寒機素

原注碧山劍人仕建安詞中
雲鬟紅袖皆建近景蓮意徐

何皆建故有名妓戲存具
其姓名知者可一笑也

和李圓嶠話別

南浦綠波只斷送行人行色雖則是鵬搏九萬天池春
碧鸞侶鳳朋爭快覩鷗盟鷺宿空曾識到玉堂天上念
西江今非昔公去也寧懷別人感舊情空切但歲寒
松柏相期茂悅好在莫償塵土債風流寧可金門客俯
人間大暑少清風多炎熱

改調滿江紅

五日風雨蕭然獨坐偶檢康與之伯可順庵
詞見其中櫟括金銅仙辭漢歌自謂縛虎手

殊不佳因改此調雖不能如賀方回諸作然稍覺平妥長日無所用心非欲求加昔人也

千里酸風茂陵客咸陽古道宮門夜馬嘶無迹東關雲
曉牽上魏車將漢月憶君清淚知多少悵土花三十六
宮牆秋風嫋衰蘭露啼痕繞畫闌桂彫香早便天還
知道和天也老獨出携盤誰送客劉郎陵上烟迷草悄
渭城已遠月荒涼波聲小

摸魚兒

己卯元夕

又怱怱一番元夕無燈更愁風雨人間天上無歸夢惟
有春來春去愁不語漫淚濕香綃茅草人何許百年勝
處還更有琉璃春棚月架萬眼蝶羅否風流事辜負
後來兒女可憐薄命三五千金無買吳歎處更說龍飛
鳳舞今又古便剩有才情無分登樓賦春醪獨撫也難
覓阿瞞肯容狂客醉裏試酣鼓

甲申客路聞鵲

雨蕭蕭春寒欲暮杜鵑聲轉山路東風於汝何恩怨強
管人間去住行且去漫憔悴十年愁得身成樹青青故
宇看浩蕩靈修徘徊落日不樂復何故 曾聽處少日
京華行路青燈夢斷無語風林颯颯雞聲亂搖落壯心
如土今又古任啼到天明清血流紅雨人生幾許且贏
得劉郎看花眼慣懶復賦前度

用前韻調敬德

甚平生風流謝客刀頭夢送酸楚不堪聽得花間曲猛

憶雲英霜杵閒情賦誰催就月明雲鬢犀梳吐才情幾
許待遺策重來吹簫一弄鸞鳳共輕舉 留春住買斷
綠波南浦黃金散如土薔薇洞口三生路無奈風光頻
阻新情緒也待見東隣花艷牆低處東風看取便嬌送
飛梭半推編貝笑詠尚高古

金縷曲 用稼川韻

老我無能矣歎人生得開笑口一年間幾去景悠悠如
有待白髮已非春事便一笑何曾是喜我本漁樵孟諸

野向舉家盡歎今如此空自苦有誰似
堆堆獨坐文書裏是無能愛閒愛靜清時有味出處古今無真是往
往君言有理看攘臂後來鋒起戴晉唐虞一杯水只魯
連猶未知之耳况碌碌共餘子

梅花引

和子昂題水仙花卷

雲濤白鳳賀瑤妃仗歲華路芳菲十月溫湯賜浴卸羅
衣半點檀心天一笑瓊奴弱玉環肥
風流誰合壻金

閨露將晞雪爭暉貝闕珠宮環珮月中歸誤殺洛濱狂
子建情脈脈恨依依

江城梅花引

登高

明霞回雨霽秋空笑難逢步城東直上翠微客有可人
同回首向來輕節序筋力異心猶在媿鬢蓬 悲年冉
冉江滾滾騎臺平蔣陵冷天高年晚山河險煙霧冥濛
一幅烏紗閒著傲西風古往今來只如此便潦倒渺乾

坤醉眼中

六州歌頭

元夕和宜可

天涯倦客如夢說
今宵承平事
車塵漲馬鳴
蕭火城朝
狂歌間嬉笑
平康客
五陵俠間相待
沙河路
灞陵橋
萬眼琉璃目眩去
閒買一剪梅
燒數金
娥綵蝶簇帶那人
嬌說著魂銷掩鮫綃
波翻海塵換世銅仙
淚鐵心嬌
渺何地
趺珠履
解金貂
步宮腰
瑤池驚燕
罷瓶落井箭

離照燈樓倒吳兒老絳都迢點點梅梢殘雪似東風吹
恨難銷悄山村漁火風鬢立春宵夢繞寒潮

水調歌頭

敗荷

搖風猶似旆傾雨不成盤西風未禁十日早作背時看
寂寞六郎秋扇牽補靈均破屋風露半襟寒坐感青年
晚不但翠雲殘歎此君深隱映早闌珊人間受盡炎
熱暑夕幾憑闌待得良宵灝氣正是好天良月紅倒綠

垂乾搖落從此始感慨可能閒

沁園春

近見舊詞有隱括前後赤壁賦者殊不佳長
日無所用心漫填沁園春二闕不能如公哨
遍之變化又局於韻字不能效公用陶詩字
作詩之精整姑就本語拈拾排比以自遣云

壬戌之秋七月既望

原注望效公
予懷望平讀

蘇子泛舟正赤壁風

清舉杯屬客東山月上遺世乘流桂棹叩舷洞簫倚和

何事鳴鳴怨泣幽悄危坐撫蒼蒼東望渺渺荊州客
云天地蜉蝣記千里銜臚旗幟浮歎孟德周郎英雄安
在武昌夏口山水相繆客亦知夫盈虛如彼山月江風
有盡不喜更酌任東方既白與子遨遊

十月雪堂將歸臨臬二客從坡適薄暮得魚細鱗巨口
新霜脫葉步影行歌有客無肴有肴無酒如此風清月
白何歸謀婦得舊藏斗酒重載婆娑登虬踞虎嵯峨
更憑醉攀翻栖鶻窠曾歲月幾何江流斷岸山川非昔

夜嘯捫蘿孤鶴橫江羽衣入夢應悟飛鳴昔我過開戶
視但寂寥四顧萬頃煙波

大橋名清江橋在樟鎮十里許有無聞翁賦
沁園春滿庭芳二闕書避亂所見女子末有
埋冤姐姐銜恨婆婆語極俚後有螺川楊氏
和二首又自叙生楊嫁羅丙子暮春自涪翁
亭下舟行追騎迫間道入山卒不免於驅掠
行三日經此橋睹無聞二詞以為特未見其

苦乃和於壁復云觀者毋謂弄筆墨非好人
家兒女當諒此情詞雖俚近而首及權奸誤
國又云便歸去嬾東塗西抹學少年婆又云
錯應誰鑄皆追記往日之事甚可哀也因念
南北之交若此何限心常痛之適觸於目因
其詞為賦一詞悉叙其意詞不足而情有餘
悲矣

流水斷橋壞壁春風一曲韋娘記宰相開元弄權瘡痍

全家駱谷追騎蒼皇彩鳳隨鴉瓊奴失意可似人間白
面郎知他是燕南牧馬塞北驅羊啼痕自訴衷腸尚
把筆低徊媿下堂歎國手無棋危塗何策書牕如夢世
路方長青塚琵琶穹廬笳拍未比渠儂淚萬行二十載
竟何時委玉何地埋香